

Անցք Ռեմէ աւանի : Վանք Ս . Փրկչի : Քեօր Եուսուֆ Փաշա : Ան-
տօն Ա.Միւս : Մահ Պետրոս Պատրիարքի : Գործ Բղէշիին : Մէհէմէտ
Ապու Մերաք . Երզութեան միաբանաց : Այլազղիք Սիոնի : Թողաւ
միաբանաց զվանս Ա . Յակոբայ և մեկնիւ 'ի քաղաքէն :

Ի ԺԱՄԱՆԱԿՄ սլաշարման Ա.քքէ քաղաքի , բնակիչք
Ռեմէ աւանի , յերկիւղէ Արարացւոց՝ խոյս տուեալ անտի
եւ եկեալ ամրացեալ էին 'ի քաղաքն Յուպէ : Լեռնական
Յէլլահք տեսեալ զաւանն դատարկ և անպատուար , դի-
մեցին բազմութեամբ 'ի վերայ նորա , և համարձակ գոր-
ծեցին զամենայն չարիս , կողոստեցին զտունս և զեկեղե-
ցիս . և զվանս Հայոց Ս . Գէորգայ՝ յետ դատարկելոյ զա-
մենայն ինչ , խլեալ հանին նաեւ զերկաթս 'ի պատուհա-
նաց , և զայլ տեղիս քանդեալ աւերեցին , եւ կոտորեցին
զորս կենդանի գտին յաւանին , մինչ չխնայել նաեւ 'ի
հաւատակիցս իւրեանց . բաժանեցին յիւրեանս զազկուսնս
և զմանկահասակս , որք մնացեալ էին անդ՝ եւ ընդ աւա-
րին առեալ մեկնեցան յիւրաքանչիւր տեղիս իւրեանց :
Զերծեալ ոմանց 'ի սրոյ աստի հասին յերուսաղէմ , և ար-
տասուօք պատմէին զանցս Ռեմէի :

Իսկ աւարառութն բազմութեամբ ժողովեալ եկին յե-
րուսաղէմ և բանակեցան մերձ 'ի Սիոն , որպէս թէ կազ-
մել զգէնս և երթալ 'ի բանակն Օամանցւոց : Եւ 'ի գիշերին
այնմիկ մտին 'ի վանս Ս . Փրկչի , յախշտակեցին զոր ինչ
միանգամ գտին անդ . խորտակեցին զպատկերս և զխաչ-
կալ եկեղեցւոյն և զսեղանն կործանեցին , և աւերեալ եղ-
ծին և զայլ տեղիս . և մտեալ 'ի պարտէզն յարմատոյ խը-
լեցին զձիթենինս 33 . և անտի մեկնեցան 'ի կողմանս Ռեմ-
էի : Արդ 'ի 12 Փետրվար ամսոյ մինչ 'ի մեկնիլ զօրաց
Նարոյլոնի յերկրէն Պաղեստինոյ եւ 'ի ժամանել մեծի
Վէզիրին 'ի Յուպէ , թէ որպիսի անցս չարչարանաց կրե-
ցին 'ի միջոցիս յայսմիկ քրիստոնէայք և վանականք երու-
սաղէմի , մանաւանդ Հայք և միաբանք նոցին՝ կարի դառն
է պատմել . զի իսպառ նուազեցան 'ի զօրութենէ և ան-